

## Bana b Pallo



---

## SABATHA THAPAMA

**Bakeng sa Thuto ea beke ena, Bala:**

Ba-Roma 9.

**Temana ea Khopolo:**

“Ha ho le joalo, o hauhela eo o ratang ho mo hauhela, ‘me o thatafatsa eo o ratang ho mo thatafatsa” (Ba-Roma 9:18).

**J**oalo ka ha ho ngoliloe, ho thoe: Ke ratile Jakoboa, ‘me ke hloile Esau. . . . Empa o kile a re ho Moshe: Ke tla hauhela eo ke mo hauhelang, ‘me ke tla rekolohela eo ke mo rekolohelang” (Ba-Roma 9:13, 15). Pauloseosi o bua ka eng moo? Bolokolohi ba kelello ea motho bona le bolokolohi ba ho khetha, boo kantle ho bona e leng se senenyane seo re se lumelang se ka utloisichang? Na ha rea lokoloha ho khetha kapa ho hana Molimo? Kapa litemana tsee li re ruta hore batho ba bang ba itseng ba khethetsoe poloko ‘me ba bang ba khethetsoe tahleho, ho sa natse khetho tseo ba li etsang? Joalo ka kamehla, karabo e fumanoa ka ho sheba taba-kholo ea seo Pauloseosi a se bolelang. Pauloseosi o latela tsela ea ho beha litaba eo ho eona a lekang ho bontša tokelo ea Molimo ea ho khetha hore na a ka sebelisa mang e le “bakhethoa” ba Hae. Haholo hobane, Molimo ke Eena ea nkang boikarabello ba sehlooho ba ho hasa evangeli lefatšeng. Kahona, hobaneng a ke ke a khetha bao a ratang hore a ka ba sebelisa? Ha feela Molimo a sa koalle mang kapa mang monyetleng oa poloko, ketso e joalo ea Molimo ha e khahlanong le litšiea tsa bolokolohi ba kelello. Ebile ha bohlokoa ka ho fetisisa, ha e khahlanong le ‘nete e kholo ea hore Jesu o shoetse batho bohle, ‘me takatso ea Hae e ne e le hore bohle ba fumane poloko. Ha feela re hopola hore Ba-Roma 9 ha e sebetsane le poloko ea batho bao mabitso a bona a boletsoeng moo, empa e le hore e sebetsana le pitso ea bona ho etsa mosebetsi o itseng, khaolo ena ha e fane ka mathata a letho.

*\*Ithute thuto ea beke ena ho lokisetsa Sabatha sa la 9 Tšitoe.*

## Moroalo oa Pauloseosi

**“Le tla ba ho ‘na ‘muso oa baprista, le sechaba se khethehileng. Ke ‘ona mantsoe ao utlang ho a bolela ho bana ba Israele” (Exod. 19:6).**

Molimo o ne a hloka sechaba sa baevangeli se ka boelang evangeli lefatšeng le tetebeetseng ka har’a bohedene le borapeli ba litšoantšo. O ile a khetha Baisraele ‘me a itšenola ho bona. O ne a rerile hore sechaba seo e be mohlala ‘me ka mokhoa o joalo ba tle a hohelle ba bang ho Molimo oa ‘nete. E ne e le sepheo sa Molimo hore ka tšenolo ea semelo sa Hae ka Israele lefatše le tla huleloa ho Eena. Ka lithuto tsa tšebeletso ea mahlabelo, Kreste o ne a lokela ho phahamisoa kapele ho lichaba, ‘me bohle ba neng ba tla talima ho Eena ba tle ba phele. Ha lipalo tsa Israele li ntse li eketseha, ha lithlohonolofatso tsa bona li ntse li ata, ba e ba lokela ho atolosa meeli ea bona ho fihlela ‘muso oa bona o tletse lefatše.

**Bala Ba-Roma 9:1–12. Pauloseosi o fetisa taba e fe moo ka botšepi ba Molimo le har’a ho hloleha ha botho?**

---

---

---

Pauloseosi o haha mola oa khang oo ho oona a tla bontša hore tšepiso e neng e etselitsoe Israele ha e ea ka ea hloleha ka botlalo. Ho ntse ho le teng masala ao Molimo o ntseng o rerile ho sebetsa ka oona. Ho tiisa bonnete ba taba ea masala, Pauloseosi o qopetsa morao nalaneng ea Israele. O bontša hore ha esale Molimo o ntse o khetha: (1) Molimo ha oa ka oa khetha peo eohle ea Abrahamana ho ba selekane sa Hae, empa o khethile leloko la Isaaka feela. (2) Ha oa ka oa khetha litlohlo tsa Isaaka kaofela kaofela, empa a khetha Jakobo feela. Hape ho bohlokoa ho bona hore, leloko kapa tsoalo, ha se tiisetso ea poloko. U ka ba oa mali a nepahetseng, lelapa le nepahetseng, le eona kereke e nepahetseng, empa feela u ‘ne u lahlehe, u ‘ne u be kathoko ho tšepiso. Ke tumelo, tumelo e sebetsang ka lerato, e senolang bao e leng “bana ba pallo” (Ba-Roma 9:8)

**Talima poleloana e ho Ba-Roma 9:6: “Hobane ha se bohle ba tsoileng ho Israele e leng ba-Israele.” Re ka iphumanela molaetsa o fe oa bohlokoa moo bakeng sa rona, re le Baleti, ba nang le maikarabello a mangata nakong ea rona a tšoanang le a ba-Israele ba khale nakong ea bona?**

---

## Bakhethoa

**“Ho kile ha thoe ho eena Rebeka: E moholo o tla sebeletsa e monyane. Joalo ka ha ho ngoliloe ho thoe: Ke ratile Jakobo ‘me ke hloile Esau” (Ba-Roma 9:12, 13).**

Joalo ka ha ho hlalositsoe selelekeleng sa beke ena, motho a ke ke a utloisisa Ba-Roma 9, ho fihlela a eelloa hore Pauloseosi ha a bue ka pholoho ea motho ka mong. Mona o bua ka maikarabello a ikhethileng ao Molimo a neng a bitsa batho ba itseng hore ba a phethe. Molimo o ne a batla hore Jakobo e be ntat’a sechaba se tla etsa mosebetsi oa Hae o khetheleng oa ho phatlalletsa lefatše evangeli. Ha ho na taba e ka supang hore Esau o ne a ke ke a bolokeha temaneng ena. Molimo o ne o batla hore a bolokehe joalo feela ka ha a batla hore batho bohle ba bolokehe.

**Bala Ba-Roma 9:14, 15. Re utloisisa mantsoe aa joang moelelong oa seo esale re se bala?**

---



---

Hape Pauloseosi ha a bue ka poloko ea motho ka mong, hobane tokoloho eo Molimo o fana ka mohau ho bohle, hobane o “ratang hoba batho bohle ba bolokehe” (1 Tim. 2:4). “Hobane mohau oa Molimo, o ka bolokang batho bohle, o bonahetse” (Tite 2:11). Empa Molimo a ka khetha lichaba ho papala karolo, leha ba ka hana ho papala karolo tseo, ba sitoa ho thibela khetho ea Molimo. Ho sa natse hore na Esau o na ka e batla kathata ha kae, o ne a se na ho ba ntat’a Mesia kapa oa sechaba se khethiloeng. Qetellong, e ne e se khetho e susumetsoang feela ea Molimo, e ne e se molao o halalelang, oo ka oona Esau a koalletsoeng kantle ho poloko. Lineo tsa mohau oa Hae ka Krete li fumaneha ntle ho tefo ho bohle. Bohle re khethetsoe ho bolokeha, e se ho lahleha (Ba-Ef. 1:4, 5; 2 Pet. 1:10). Ke khetho tsa rona, e seng ea Molimo, tse re sitisang ho fumana tšepiso ea bophelo bo sa feleng ka Krete. Jesu o shoetse batho bohle. Feela Molimo o beile Lentsoeng la Hae lipehelo tseo ka tsona moea o mong le o mong o tlang ho khetheloa bophelo bo sa feleng—tumelo ho Krete, e isang moetsalibe ea beuoeng ea lokileng kutlong.

**Joalo ka ha e ka ha ho na motho e mong ea phelang, uena, ka sebele sa hau, u khethuoe ke Jesu le pele lefatše le thehoa, hore u bone poloko. Ena ke pitso ea hau, ho khethoa ha hau, eo u e fuoang ke Molimo ka Jesu. Ke tlotla e ka kang, ke tšepo e ka kang! Re ntse re lemohile lintho tsohle, hobaneng ha lintho tsohle li thothofala ha li bapisoa le tšepiso ee e kholo? Hobaneng ha e ka ba mahlomola a maholo ka ho fetisisa ha ho k alesoa sebe, bo-‘na, le nama hore e re amohe bohle seo re se tšepisitsoeng ho Jesu?**

## Liphiri

**“Hobane mehopoloe ea ka ha se mehopoloe ea lona, litsela tsa lona ha se litsela tsa ka: ho bolela Jehova. Empa joalo ka ha leholimo le phamile holimo ho lefatše, litsela tsa ka li phahame joalo holimo ho litsela tsa lona, le mehopoloe ea ka holimo ho mehopoloe ea lona” (Esa. 55:8, 9).**

**Bala Ba-Roma 9:17–24. Ho latela seo re seng re se balile ho fihlela mona, re ka utloisisa taba ea Pauloseosi joang moo?**

---

---

---

Ka ho sebensana le Egepete kamoo a sebelitseng kateng nakong ea Exoda, Molimo o ne a sebeletsa pholoho ea leloko la botho. Boiponahatso ba Molimo ka likotlo tsa Egepete le topollo ea sechaba sa Hae li ne li reretsoe ho senolela Ba-Egepete, le lichaba tse ling, hore Molimo oa Israele ke Molimo oa ‘nete. E ne e reretsoe ho ba memo ho batho ba lichaba ho lahla melingoana ea bona ‘me ba tle ho tla mo rapela.. Ho hlakile hore Faro o ne a se a entswe khetho ea hae khahlanong le Molimo, joale ka ho tiisa pelo ea hae, Molimo o ne a sa mo khaole monyetleng oa poloko. Ho tiisoa e ne e le khahlanong le boipiletso ba ho lesa Israele e ikele, e seng khahlanong le boipiletso ba Molimo ho Faro hore a amohela poloko ea hae e le motho. Krete o shoetse Faro, joalo feela ka ha a shoetse Moshe, Aaron, le bana ba Israele kaofela ha bona. Nltha ea bohlokoa har’a tsena tsohle ke hore batho ba oeleng ba talima lefatše, bophelo, le kamoo Molimo a sebensang kateng lefatšeng, ka tsela e tšesane haholo. Re ka lebella ho utloisisa litsela tsohle tsa Molimo joang ha lefatše la rona, hohle moo re eang, le fupere liphiri tseo re sa li utloisiseng? Ebile ka lilemo tse 171 tse fetileng mona ha lingaka li ithuta hore e ka ‘na ea ba taba ea bohlokoa hore ba hlatsoe matsoho a bona pele ba buoa motho!ke kamoo esaleng re qoetse ho hlokeng tsebo. Ke mang ea tsebang, haeba nako e ntse e lelefala, na ke lintho li fe tseo re tla li sibolla kamoso tse tla senola kamoo re qoetseng har’a ho hloka tsebo kateng kajeno?

**Kannete ha re utloisise litsela tsa Molimo ka linako tsohle, empa Jesu o tfile ho re senolela hore na Molimo o joang (Johanne 14:9). Hobaneng, ha ho le joalo, har’a liphiri tsohle tsa bophelo, le liketsahalo tse sa lebelleheng ho le bohlokoa ho rona ho tsitsa semelong sa Krete le seo a re senoletseng sona ka Molimo le lerato la Hae? Ho tseba kamoo semelo sa Molimo se leng kateng ho ka re thusa joang ho lula re tšephele har’a litejo tse bonahalang li sa hlokehe hape li hloka toka haholo?**

## Ammi: “Sechaba sa Ka”

Ho Ba-Roma 9:25 Pauloseosi o qotsa Hosea 2:23, ‘me ho Ba-Roma 9:26 o qotsa Hosea 1:10. Taba ke hore Molimo o ile a laela Hosea ho ea inkela “mosali oa mofebi” (Hos. 1:2) e le tšoantšiso ea likamano tsa Molimo le Israele, hobane sechaba se ne se latetse melingoana e sele. Bana ba ileng ba tsoaloa lenyalong lena ba ile ba reoa mabitso a tšoantšang ho lahla le ho otlala Israele e bootsoa ke Molimo. Ngoana oa boraro o ile a bitsoa Loammi (Hos. 1:9), ho bolela ka kotloloho “seo e seng sechaba sa ka.” Feela, har’a tseba tsohle, Hosea o ile a porofeta hore letsatsi lea tla leo, kamor’a ho otlala sechaba sa Hae, Molimo o tla busetsa litlholonolofatso tsa bona, a tlose melimo ea bona ea bohata, a etse selekane le bona. (Sheba Hos. 2:11–19.) Mothating ‘ona bao e neng e le bo Loammi, “seo e seng sechaba sa ka,” ba tla fetoha bo Ammi, “seo e leng sechaba sa ka.” Matsating a Pauloseosi, bo Ammi e ne e le “le rona, . . . e seng ba-Juda feela, empa le Balichaba” (Ba-Roma 9:24). Tsela e matla e hlakileng ha ka kang ea ho hlalisa evangeli, evangeli eo ho tloha sethathong e neng e reretsoe lefatše lohle. Ha ho makatse hore re le Baleti re nka karolo ea pitso ea rona ho Tšenolo 14:6: “Hape ka bona lenyeloi le leng le fofang mahareng a leholimo, le tšoere evangeli ea kamehla le mehla ho e bolella ba ahileng lefatšeng, le lichaba tsohle, le mefuta eohle, le lipuo tsohle.” Kajeno joalo ka matsating a Pauloseosi, le joalo ka mehleng ea Israele ea khale, litaba tse molemo tsa evangeli li lokela ho hasoa lefatšeng lohle.

**Bala Ba-Roma 9:25–29. Tšoea kamoo Pauloseosi a qotsang Testamenteng ea Khale kateng ho hlakisa taba ea hae ka lintho tse neng li etsahala mehleng ea hae. Molaetsa oa mantlha o fumanehang litemaneng tsee ke o fe? Ke tšepo e fe e fuoang babali ba hae moo?**

---

---

---

Taba ea hore ba bang ba batho ba habo Pauloseosi ba hanne pitso ba evangeli e ne e mo fa “sello se sa feleng” pelong ea hae (Ba-Roma 9:2). Empa bonyane ho ne ho ntse ho na le masala. Litšepiso tsa Molimo ha li hlollehe, leha batho ba hlolleha. Tšepo eo re ka bang le eona ke hore, qetellong, litšepiso tsa Molimo li tla phethahala, ‘me ha re ikopela litšepiso tseo bakeng sa rona, li tla phethahatsoa ka ho rona, le rona.

**Batho ba u phoqile hangata ha kae? Le uena u phoqile ba bang hangata ha kae? Mohlomong makhethlo ao u ke keng oa lekanya, ha ho joalo? U ka ithuta lithuto li fe ho phoqheng hoo ka moo tšepo ea hau ea mapomela e lokelang ho ba teng?**

---

## Kopiso

**“Joale re tla re’ng? Re tla re: Balichaba ba neng ba sa batle ho loka, ba fumane ho loka, e leng ho loka ho tsoang tumelong; athe ba-Israele ba neng ba batla molao oa ho loka, ha ba ka ba fihlela molao oa ho loka. Ka baka la’ng? Kahobane ha ba ka ba ho batla ka tumelo” (Ba-Roma 9:30–32). Molaetsa ke o fe moo, ‘me, hoa bohlokoa ho feta, re ka nka molaetsa oo o neng o ngoloa ka nako e itseng joang ‘me ra sebelisa litšiea tsa oona bakeng sa rona kajeno? Re ka etsa joang ho qoba ho etsa liphoso tse tšoanang nakong ea rona joalo ka ha ba-Israele ba entse nakong ea bona?**

---



---



---

Ka mantsoe a ke keng a utloisisoa, Pauloseosi o hlalose tsa batho ba habo lebaka leo ka lona ba fetolang ke seo Molimo o lakatsang hore ba ka ba le sona—le ho feta moo, le ke ntho eo ba neng ba ntse ba e batla feela ba sa e fihlele. Ka tsela e thabisang, Balichaba bao Molimo o ba amohetseng ba ne ba sa loanele ho fumana kamohelo e joalo. Ba ne ba ntse ba iketsetsa lithato tsa bona le merero ea bona ha molaetsa oa evangeli o fihla ho bona. Ha ba tšoara boleng ba eona, ba e amohela. Molimo oa ba phatlalatsa e le ba lokileng kahobane ba ne ba amohetse Jesu Krete e le Eena ea ba nkelang sebaka. E ne e le phapanyetsano ea tumelo.

Bothata ba Ba-Israele ke hore ba ile ba khoptjoe ke lejoe la khopiso (sheba Ba-Roma 9:33). Ba bang, e seng kaofela (sheba Liketso 2:41), ba ile ba hana ho amohela Jesu oa Nazaretha e le Mesia ea rometsoeng ke Molimo. O ne a sa fihlele litebello tsa bona tsa Mesia; kahona, ba mo furalla ha a tlike.

Pele khaolo ena e fela, Pauloseosi o qotsa temana e ‘ngoe ea Testamente ea Khale: “Joalo ka ha ho ngoliloe, ho thoe: ke bea Sione lejoe le khothometsang, le lefika le khopang; hape ho thoe: Mang le mang ea lumelang ho eena a ke ke a soaba” (Ba-Roma 9:33). Litemaneng tsena hape, Pauloseosi o bontša kamoo tumelo ea ‘nete e leng bohlokoa kateng morerong oa topollo (sheba le 1 Pet. 2:6–8). Lejoe la khopiso? Feela, mang le mang ea lumelang ho eena a ke ke a soaba? E, ho bongata, Jesu ke lejoe la khopiso, empa ho ba mo tsebang le ho mo rata, ke lejoe la mofuta o sele, “Lefika la poloko ea ka” (Ps. 89:26).

**A na u kile oa fumana Jesu e le “lejoe le khothometsang” kapa “lefika le khopang”?  
Haeba ho joalo, ke joang? Ke hore, u ne u etsang e ileng ea u bea boemong boo?  
U ile oa tsoa ho bona joang, ‘me u ile oa ithuta eng e le hore, motho a tle a rapelle  
hore u se ke oa iphumana o le kamanong eo e khahlanong le Jesu hape?**

## Mohopolo o Tsoellang:

Bala Ellen G. White, “*Later English Reformers*,” maq. 261, 262, ho *The Great Controversy; “Faith and Works*,” maq. 530, 531, ho *The SDA Encyclopedia*; Ellen G. White *Comments*, maq. 1099, 1100, ho *The SDA Bible Commentary*, vol. 1. “Ho na le ho khethoa ha batho ka bo mong le ha bona e le sechaba, khetho e le ‘ngoe feela e fumanehang lentsoeng la Molimo, moo motho a khethoang hore a bolokoe. Ba bangata ba talimme qetellong, ba lekanya hoba ba kethetsoe ho ea monyakeng oa leholimo; empa ena ha se khetho eo Bibe le e senolang. Motho o khethetsoe ho sebeletsa pholoho ea hae ka tšabo le ka thothomelo. O khethetsoe ho apara lihloho, ho loana ‘ntoa e molemo ea tumelo. O khethetsoe ho sebelisa lintho tse beiloeng moo a ka li fihlelang ho loana khahlanong le takatso e ‘ngoe le e ‘ngoe e sa halaleng, ha Satane a ntse a bapala phupe bakeng sa moea oa hae. O khethetsoe ho lebela thapelong, ho botsisisa Mangolo, le ho qoba ho kena molekong. O khethetsoe ho ba le tumelo e sa phetseng. O khethetsoe ho ba le kutlo ea lentsoe le leng le le leng le tsoang molomong oa Molimo, e le hore e tle e se ke ea ba moutloi feela, empa e be moetsi oa lentsoe. Ena ke oena khetho ea Bibe.”—Ellen G. White, *Testimonies to Ministers and Gospel Workers*, maq. 453, 454. “Ha ho na keello e felloang e ka utloisisang ka botlalo semelo kapa mesebetsi ea Rabosafeleng. Ha re ka ke ra utloisisa Molimo ka ho batlisisa. Likelellong tse matla ka ho fetisisa le tse otliloeng ka ho fetisisa, le ho tse fokolang ka ho fetisisa le tse sa tsebeng letho ka ho fetisisa, eo ea Halaleng oa tla lula e le sephiri. Empa leha “maru le botšo li mo teetse hare: ho loka le kahlolo ke motheo oa terone ea Hae.” Pesaleme 97:2. Ho fihlela mona re ka utloisisa ho sebetsa ha Hae le rona e le hore re tle re lomohe mohau o se nang tekanyo o kopane le matla a se nang pheletso. Re ka utloisisa boholo ba merero ea Hae boo re ka tsebeng ho bo utloisisa; empa ho feta mona re ka tšepa letsoho la ea matla ‘ohle, pelo e tletseng lerato.”—Ellen G. White, *Education*, leq. 169.

## Lipotso tsa Puisano:

1. Bakreste ba bang ba ruta hore, le pele re tsoaloa, Molimo o ile a khetha ba bang hore ba bolokehe, le ba bang hore ba ee tahlehong. Haeba o bile e mong oa bao Molimo, leratong la hae le se nang moeli le bohlale, a ba khethileng esale pele hore ba ee tahlehong, ha ho natse hore na u etsa khetho li fe, u ea timelong—eo batho ba bangata ba lumelang hore ke ho ea cha lihlelang ka ho sa feleng. Ka mantsoe a mang, kante ho boikhethele ba rona empa ka ho khetha ha Molimo, ba bang ba khethetsoe ho phela kante ho likamano tse pholosang le Jesu bophelong bona, hore feela ba hlole bophelo bo bong hape ba e-cha ka ho sa feleng mollong oa lihele. Ke eng e fosahetseng ka setšoantšo see? Chalimo ee e fapana joang le kutloisiso ea rona ea litaba tse tšoanang?
2. U bona Kereke ea Balefi ba Letsatsi la Bosupa le pitso ea eona lefatšeng kajeno e tšoana le boikarabello ba Israele mehlang ea eona joang? Tšoano e hokae le phapano e hokae? Re ba feta ka litsela li fe ho etsa tse molemo? Kapa re ba feta ho etsa tse mpe? Tšehetsa karabo ea hau.

